



Publicaziuns dalla vischnaunca, jamna 43

Damonda da baghegiar

2017-1067.000

Datum dalla publicaziun:

27 d'october entochen ils 17 da november 2017

Il patron: Vischnaunca Disentis/Mustér, Via Cons 2, 7180 Disentis/Mustér

Il representant: Uffeci da baghegiar, Via Cons 2, 7180 Disentis/Mustér

Object: Dislocaziun dalla senda a Funs, parcella 519, Funs-Clis, 7180 Disentis/Mustér

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2017 – 1042.000

David Lutz e Daniela Cabernard, Via Sogn Placi 4, 7180 Disentis/Mustér; construcziun d'ina casa d'ina famiglia, parcella 3881, Via Nova 7, 7180 Disentis/Mustér.

Uffeci da baghegiar Disentis/Mustér

Publicaziun officiala Restricziun da traffic alla Via Lucmagn

Parcar encunter pagament (sig. 4.20) ura da parcar centrala

En connex cun l'economisaziun dils parcadis «Center dil Vitg» – tenor plan da quartier exponiu – ha la suprastanza communal decidu d'introducir la suandonta restricziun da traffic:

Parcar encunter pagament (sig. 4.20) ura da parcar centrala

Empremas 15 minutas gratuit, taxas:

1 ura: frs. 1.–, 2 uras: frs. 2.50, 3 uras: frs. 4.50, 4 uras: frs. 7.–, 5 uras: frs. 10.–

Limita maximala da parcar: 5 uras

Quella restricziun entra en vigur suenter che la procedura officiala ha giu liug e la signalisaziun ei vegnida montada. La mesiras previdas ein vegnidas sclaridas cun la polizia cantunala, che ha dau ils 6 d'october 2017 il consentiment a basa digl art. 7, al. 1 e 2 dalla lescha introductiva tier la lescha federala davart il traffic sin via (LitLTV; 870.100) ed art. 4 dall'ordinaziun tier la lescha introductiva tier la lescha federala davart il traffic sin via (ORtLitLTV; 870.110).

Objecziuns en connex cun las mesiras da traffic previdas alla Via Lucmagn san vegnir inoltradas a scret enteifer 30 dis dapi la publicaziun el «Fegl official dalla Surselva» alla suprastanza communal, caum postal 57, 7180 Disentis/Mustér. Suenter haver examinau las objecziuns decida la suprastanza communal e publichescha siu conclus el fegl official cantunal cun la pusseivladad da contestar il conclus tier la dertgira administrativa dil cantun Grischun.

Suprastanza communal



Controlla da habitonts

Naschientscha

Valentina Luina Tomaschett, naschida ils 17 d'october 2017, feglia da Eva-Katharina e Marco Tomaschett

31 d'october 2017 sera d'informaziun Scola da talents.Surselva

Leis Vus possibilitar a Vies affon ina buna cumbinaziun denter scola e promoziun da talent? Mardis, ils 31 d'october 2017 presenta la Scola da talents.Surselva a tut ils interessai sia purschida adattada a giuvens sportists e musicists. L'occurrenza entscheiva allas 19.30 en l'aula dalla casa da scola Glion. Vegni nunligi-ontamein sperasvi – nus selegrein sin Vus! Dapli informaziuns anfleis Vus sut www.talentschule-surselva.ch.

Infoabend TalentSchule.Surselva am 31. Oktober 2017

Möchten Sie Ihrem Kind eine gute Verbindung von Schule und Talentförderung ermöglichen? Am Dienstag, 31. Oktober 2017, stellt die TalentSchule.Surselva allen Interessierten ihr massgeschneidertes Angebot für junge Sportler und Musiker vor. Der Anlass startet um 19.30 Uhr in der Aula der Schule Ilanz. Kommen Sie unverbindlich vorbei – wir freuen uns auf Sie! Mehr Infos dazu unter www.talentschule-surselva.ch.

Mats ei turnaus da sias vacanzas!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs?

Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei!

*Mats, la miur
ed il team dalla Biblioteca popolare
Disentis/Mustér e contuorn*

Termins:

**10 da november, 8 da december 2017, 12 da schaner,
9 da fevrer, 9 da mars, 13 d'avrel, 11 da matg 2018**

Café da sentupada/Begegnungscafé

Um einander besser kennenzulernen und den Asylsuchenden die Möglichkeit zu bieten, Deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista in Disentis organisiert. Alle sind herzlich eingeladen am **Montag, 30. Oktober 2017, von 17–19 Uhr** im Gemeindezentrum Aua viva auch dabei zu sein.

Sara Stalder im Disentiser Klosterforum

Am **Freitag, 3. November 2017**, um 20.30 Uhr spricht im Peter-Kaiser-Saal die Geschäftsleiterin Stiftung für Konsumentenschutz (SKS), Sara Stalder, über das Thema: Mündiger oder entmündigter Konsument?
Herzliche Einladung

Kloster Disentis, P. Urban Affentranger



Controllas apparats d'udida

Gliendisdis, ils 30 d'october 2017 saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei sur-
vetsch gratuit per tuts interessents. Ei drova negina annunzia.

Uniun da dunnas Disentis/Mustér

Gruppa da seruschnar/termagliar

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentu-
padas meinsilas.

Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpi-
gnia. Vegni e mirei, nus selegrein sin vossa viseta.

Proxima sentupada: mardis, ils 31 d'october 2017

Temps: 14.30–16.00

Liug: Casa da scola Segnas,
local artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

uniun da dunnas, ressort affons
